

\tit 1878-Sullivan article. Sullivan, N. B. "Sepv Ekvnv em Mekko-Hokte Salom- / nn Mekko en Cukopericvte." Indian Journal, June 5, 1878. Microfilm, State Historical Society of Wisconsin.

SEPV EKVNV EM MEKKO-HOKTE SALOM-
NN MEKKO EN CUKOPERICVTE.

Salomvn Tewe eppuce Eslevlke semevpayv es huerof, este omvlkv senhoporrenet, momet en nake-ockv semuntvlecet omet, momet pm fvccetv ekvnnv hvmkvn pohket omvtes.

Momof Sepvvlke em mekko-hokte en cuko ahopvye mahe, Sepv ekvnnv ofvn liket ont omis, Salomv ohonkv rakkat 'rem orvtes. Momen en rakkken pohof, e feke en nekeyat, "Heyv nanvke m[^]omvket ot, hvtvm monkon [^turned m]omat, vne cv turwv mahusan es hecares," komet, vkerrickvn hayvtes. Momusen, en cukopericvranet, Celusumev ayvtes. Momet nake fvmacakat tot, hvtvm cvto-kunaplane sulk-en, momet nake cvto omvke vcacakan rvcce-kuphe ohvpopuken, este sulken sevpayet, esayvtes.

Momet Rvne Sivr em vnavk mekko likan ehomv eroricof, nake vpohkv pekcvke vkerrice tayat omvlkvnnv Sepvvlke em mekkohoktet em vpohvtes. "Heyvn momecvyof, en hoporrenkv oce mahe kihoevte, mon okhoyvte omat kerrares," komvtes.

Momen Salomv en nakvpohkv omvlkvnnv em uyoposkof, momet en liketvn, hvtvm en nakafastvlke, momet em vtotkvlke, momet en cuko ofv en rakketvn eoktet hecos, mekkon em punayet kicvtes ; "Vm ekvnnv ofv likvyof, cem vtotketv, momet cen hoporrenkv pohvyvte fuccvt omvt tis. Mont omat, mv opunkv vkvsvmvkon vlahkit, en turwv mahusan es hehcvyvte tvlkvtes. Memen, hecvs cen hoporrenkv, momet cem vtotketv herakat, cem vhocefkv here vyecican

en nvrkvpv tis vm onahoyekot omvt
tis. Heyv cem estvlke, momet cem
vtot kvlke, esto0s ce homv sehoke
cen hoporrenkv pohahat, vfvckvket
os. Momet Cehofv cen Hesaketvm-
ese, em mekketskk taye mokko em
ohliketv ec oh licvte, afvcketx rakke
ce' mvten, vrakkuehocekvs.”

Momof mv hoktet Salomv en Hesa-
ketvmese, mv hoporrene here, momet
rakke hayvten, oh vkvsamvtes.

Pu Hesayecv heyv mekke-hokten
opunvyecet, hvmmakvtes ; “Wahvlv
em mekko.hokte heyv este-honvpse
vpaket ohfvcceckv omof akvwakkvr-
es ; momet ohfvccecvkvres ; ekvnnv
vtekakat vtet Salomv en hoporrenkh
pohvranet vlakvtet okv ; momen hec-
vs, Salomv es en raket heyvn lik-
es.” N. B. SULLIVAN.
vITvhasse, Kehvse en nettv 20, 1878.